

Bugis - Rohanie Laleng Kitta'è - SW Intro Scriptures

**Lukas 17:5 Nakkeda sining rasul-è ri Puwangngè, "Puwang, pèwatangekki
teppe'ta."**

**Roma 10:17 Iyanaro saba'na namancaji mateppe' sining tauwè nasaba
naèngkalingai mennang karèbaè, na iyaro karèbaè naèngkalingai nasaba
engka tau mabbirittangngi passalenna Kristus.**

Lukas 11:1 Risèuwaè esso, masempajangngi Yèsus risèuwaè onrong.

**Pajanana masempajang, sala sèddinna polè ri ana'-ana' gurun-Na
makkeda, "Puwang, pagguru tokki masempajang pada-pada Yohanès
paggurui ana'-ana' gurun-Na masempajang."**

**1 Timotius 2:1-4 Mula-mulanna uwèllauwi sibawa masero kuwammengngi
parèllaungngè, sempajangngè, sibawa paddowangengngè enrengngè
parèllau tarima kasi'è ripalettu'i ri Allataala untu' sininna tauwè; 2 untu'
sining arungngè sibawa untu' sininna tauwè iya makkatenningngè
akuwasang. Ellauwi kuwammengngi weddikki tuwo sibawa tennang
enrengngè amang untu' Jehovah sibawa kèdo-kèdo iya sipato'è. 3
Iyanaro makessing sibawa sennangiwi atinna Jehovah,
Pappassalama'ta. 4 Maèloji kuwammengngi sininna tauwè ripassalama'i
sibawa naissengngi iya tongengngè.**

**Lukas 22:31 "Simon, Simon, èngkalingai! Purani ripalalo Ibillisi'è untu'
mojiko; pada-pada gandongngè ripallaing polè ri olina, makkuwatoniro
iya madècèngngè ripallaing matu polè ri majaè.**

**Zakharia 3:1,2 - Yudas 1:9 Alèna Mikhaèl, iya kapalaiyèngngi sining
malaèka'è, dè' naengka napogau'i iya makkuwaèro. Wettunna
mappangèwangngi sibawa Ibillisi' ri laleng assisalanna passalenna niga
lolongengngi matu ujuna Musa, dè' nabarani Mikhaèl madèlèkiwi Ibillisi'
sibawa ada-ada pacella. Banna makkedai Mikhaèl, "Puwangngè gera'ko
matu!"**

**Efesus 6:12 Saba' mammusuki tenniya mèwai tolinoè, sangadinna mèwai
awatangenna sininna sètangngè iya makuwasaiyèngngi wettu iya
majaèwè. Riyèwai awatangenna roh-roh majaè iya makuwasaiyèngngi
langiè.**

**Efesus 6:10,11 Paccappurennna, sitinajako mancaji mawatang sibawa
awatangeng iya mulolongengngè polè ri akuwasanna Puwangngè,
nasaba massèddiko sibawa Alèna. 11 Pakèi sininna parèwa musu iya
nawèrèngngèkko Jehovah, kuwammengngi muwullèi mattahang mèwai**

siyasa'-siyasa'na Ibillisi' iya malengngoè.

Efesus 6:13-17 Rimakkuwananaro, makkekkuwangngè, pakèni sininna parèwa iya nabbèrèyangngè Jehovah, kuwammengngi na ri esso iya majaè, muwullèi mèwai seranganna baliè. Sibawa kuwammengngi napuramu mammusu lettu ri paccappurennna, mawatang mupo naporè. 14 Sitinajako sadia. Pakèi atinulurenngngè lao ri Jehovah selaku babbang, sibawa apatongngè selaku baju bessimmu. 15 Sitinajai alogangngè untu' mabbirittangngi Karèba Madècèng iya tiwiè asalèwangeng mancaji sapatummu. 16 Tungke' wettu pakèi atepperemmu ri Puwangngè selaku senjata pappasala; nasibawang iyaro teppe'è muwullèi peddèiwi sininna ana' pana makkèapiè polè ri Majaè. 17 Alai asalamakengngè selaku palo-palo baja, sibawa ada-adanna Jehovah selaku peddang polè ri Rohna Jehovah.

Ibrani 4:12 Ada-adanna Jehovah iyanaritu ada-ada iya tuwoè sibawa mawatang; lebbi tarengngi naiya peddang matareng waliè. Iyaro ada-adaè mattoddo'i narapi pakkasèsènna nyawaè sibawa roh-è; narapi pakkasèsènna padduppa-duppangngè sibawa uta'na buku-bukuè, angkanna naisseng silamul-lamunna pikkirang sibawa niya' atinna rupa tauwè.

Lukas 4:8 Nappèbali Yèsus, "Ri laleng Kitta'è tarokii, 'Sitinajako pakalebbii Puwang Jehovahmu sibawa tumaningiwi Alèna bawang!" "

Efesus 6:18 Pogau'i iya manennaro namuwassempajatto untu' mèllau pattulung polè ri Jehovah. Tungke' kasempatang, assempajakko pèkkugi Rohna Jehovah pimpikko. Sitinajako tuli sadia sibawa aja' mumenyara. Tuli assempajakko untu' sininna umma'na Jehovah.

1 Samuel 17:45-47 - Daud & Goliath

Lukas 10:17-20 Lisuni sibawa marennu senna' iyaro pituppuloè ana' guru.

Nakkeda mennang, "Puwang, sining sètangngè tunru' ri idi rèkko riparèntai mennang ri laleng asenna Puwangngè!" 18 Nappèbali Yèsus, "Uwitai Ibillisi'è sempè polè ri langiè pada-pada billa'è. 19 Issenni! Pura Uwèrènno akuwasang kuwammengngi mullèi mallèjja'i ulaè sibawa dokkèngngè enrengngè lemmaiwi awatangenna sininna baliè, nadè' gaga sèuwa mullèi cilakaiko. 20 Namuni makkuwaro aja' mumarennu nasaba sining roh majaè tunru' ri iko. Lebbi kessing muwi akkèrennuko nasaba Riyokii asemmu ri surugaè."

2 Korintus 10:3-5 Mèmeng tuwo mupi ri laleng linoè, iyakiya dè' taèwa manuru akkatta linoè. 4 Senjata-senjata iya riyakkègunangngè ri laleng angèwangetta tenniya senjata linoèwè, iyakiya senjata-senjatana

Jehovah iya makuwasaè. Nasibawang sining senjataèro nariyancuru sining attahangengngè; ritangkisi'i sining addebbakengngè 5 sibawa leppoi sining bëntèng atempongeng iya napatettongngè untu' mèwai pangissengengngè passalenna Jehovah. Ritawangngi pikkiranna sining tauwè sibawa mèbbui mennang tunru' lao ri Kristus.

Matius 16:19 Namaèlo-Ka mpèrèkko goncinna Lino Barunna Jehovah. Aga muwattèyang ri linoè, riyattèyang towi ri surugaè. Na aga mupattongeng ri yasè'na linoè, ripattongeng towi ri surugaè. "

2 Timotius 1:7 Saba' Roh iya nabbèrèyangngè Jehovah ri yasè'ta, tenniya Roh iya mèbbuèkki mancaji pelloren. Sibalè'na iyaro Rohna Jehovah naèbbuki mancaji mawatang, penno sibawa pammèsè sibawa mullèi tahangngi alè.

Matius 12:28,29 Iyakiya Iyya Upaddèsu'i sètangngè sibawa akuwasanna Rohna Jehovah. Bettuwanna iyaro makkedaè mappammulani Jehovah mapparènta ri tengnga-tengngamu. 29 Pèkkugi tauwè naullèi muttama' ri lalempolana sèddiè tau iya mawatangngè untu' rampasa'i waramparanna, rèkko dè' nasiyo lebbi riyolo iyaro tau mawatangngè? Purapiro, nainappa naullèi rampasa'i waramparanna.

Efesus 1:13 Mancaji tono umma'na Jehovah wettummu mèngkalingai pasenna Jehovah, iyanaritu Karèba Madècèng iya mabbèrè asalamakeng lao ri iko. Mateppe'ko ri Yèsus Kristus, na iyanaro saba'na nabbèrèyangngi Jehovah tanrang appunnangen-Na lao ri iko, iyanaritu Rohna iya Najjanciyangngè.

Riwaya'na Rasul-Rasul-E 19:6 Na wettunna Paulus palènne'i limanna ri yasè'na mennang, rikuwasaini mennang ri Rohna Jehovah, nainappa mennang mabbicara ri laleng sinning basa iya makalallaingngè enrengngè palettu'i biritta polè ri Jehovah.

Markus 16:15-18 Nakkedo Yèsus lao ri mennang, "Laono risininna linoè namuwappallebbangengngi Karèba Madècèng polè ri Jehovah lao ri sininna rupatauwè. 16 Tau iya dè'è namateppe' rihukkungngi matu. Iyakiya tau iya mateppe'è sibawa ricemmè salama'i matu. 17 Selaku buttinna makkedaè mateppe'i mennang, sinning tauwè napaddèsu'i sètangngè ri laleng asek-Ku; mabbicarai matu mennang ri laleng sinning basa iya dè'è naissengngi mennang. 18 Rèkko makkatenningngi mennang ula iyarè'ga minung racung, dè' nalolongeng mennang abala. Rèkko napalènne'i limanna ri yasè'na sinning tau iya malasaè, majjappai matu iyaro sinning tauwè."

1 Johanes 1:9 Iyakiya rèkko tangakuiwi dosa-dosata lao ri Jehovah,

**narupaiwi matu jancin-Na sibawa napogau'i aga iya adèlè'è.
Naddampengengngi dosa-dosata sibawa napèpacchingiki polè ri sininna
pangkauketta iya salaè.**

**Mazmur 109:17 - Yakobus 3:10 Polè ri tèmu iya padaè massui ada-ada
tarima kasi'è sibawato ada-ada tanro. Sitongenna dè' nakkuwaro!**

**Hakinna 16:16 - 2 Petrus 2:7,8 Iyakiya ripassalama'i Lot, nasaba naturusiwi
èlona Jehovah; manrasa-rasa senna'i nasaba pangkaukeng iya dè'è
nasipato' polè risining tau iya maja ampè. 8 Ri tengnga-tengngana sining
tau makkwaèro, Lot iya makessingngèro tuwoi sibawa risissai batènna,
nasaba esso-esso naitai sibawa naèngkalingai sining pangkaukenna
mennang iya majaè.**

**Efesus 4:26 Rèkko macaiko, aja' muleppessangngi iyaro caimu nassabariko
madosa. Aja' mumacai puppu esso,**

**Roma 14:12 Jaji tungke'-tungke'ki harusu' tanggung jawakiwi sininna
pangkauketta lao ri Jehovah.**

**1 Yohanes 2:23 Tau iya dè'è nangakuiwi Ana'è, bettuwanna dè'to natarimai
Ambo'è. Sibawa tau iya mangakuiyèngngi Ana'è, bettuwanna natarima
towi Ambo'è.**

**Yohanes 14:6 Nappèbali Yèsus, "Iyya'na laleng untu' missengngi Jehovah
sibawa lolongengngi atuwongngè. Dè' sèddi tau mullèi lao ri Ambo'è,
rèkko dè' naola-Ka.**

**Matius 11:28-30 Laono mai ri Iyya iko maneng posoè sibawa
pèneddingiyèngngi tane'na tiwiè; maèlo-Ka pètakkariko. 29 Accowèriwi
parènta-Ku sibawa agguruno ri Iyya. Saba' Iyya'è malemma kininnawaka,
namatakka matu pèneddimmu. 30 Nasaba pasennangi sining parènta-Ku,
sibawa maringeng tiwi iya Upatiwiriyèkko."**

**2 Korintus 6:2 Ri laleng Kitta'è, makkedai Jehovah, "Ri wettu iya naèloriyè,
purani Uwèngkalingako, sibawa ri esso asalamakengngè, purano
Utulukko. " Engngerangngi madècèd-dècèng! Makkekkuwangngènna ritu
wettu iya nasitujujièro! Makkekkuwangngènna ritu esso untu'
ripassalama'!**

**Roma 10:13 Ri laleng Kitta'è tarokii, "Sininna tauwè iya goraè mangobbi lao
ri Puwangngè, salama'i matu."**

Exodus 20:5 - sin cursed to 3 & 4 generations